

金匱方歌括卷五

閩長樂陳念祖修園定

蘇古愚參訂

男

元犀靈石韻註

孫男

心典徽菴
心蘭芝亭

校字

黃痺病方

茵陳蒿湯

歌見傷寒

治穀痺寒熱不食食即頭眩心胸不安久久

發黃此湯主之

男元犀

按太陰濕土也陽明燥土也經云穀

入於胃游溢精氣其上輸下轉藉脾氣之能

也穀痺者食穀入胃脾氣不輸濕與熱併久

則薰蒸成黃黃成則榮衛流行之機為之阻

而不利故有寒熱不食之病經云食入於陰

長氣於陽食即頭眩心胸不安者穀入於胃

挾濁氣以上干也主以茵陳蒿湯者茵陳稟

冬令寒水之氣寒能勝熱佐以梔子味苦瀉
火色黃入胃挾大黃以滌胃腸之鬱熱使之
屈曲下行則穀痺之邪悉從二便而解矣。
硝石礬石散

治黃家日晡所發熱而反惡寒此為女勞得
之。膀胱急少腹滿身盡黃額上黑足下熱因
作黑痺其腹脹如水狀大便必黑時澹此女
勞之病非水病也腹滿者難治此散主之

硝石

熬黃

礬石

燒等分

右二味為散、大麥粥汁和服方寸匕、日三服、病隨大小便去、小便正黃、大便正黑是其候也、

歌曰

身黃額黑

漸及一身之黃俱黑

足如烘、腹脹

如水狀

便

澹

便澹而色黑

晡熱叢

晡熱以申屬膀胱、酉屬腎也

等分礬硝

和麥汁、女勞瘵病奪天工。

徐忠可云、硝能散虛鬱之熱、為體輕脫、而寒

不傷脾。礬能却水。而所到之處。邪不復侵。如
紙既礬。即不受水滲也。以大麥粥調服。益土
以勝水。合而用之。則散鬱熱。解腎毒。其於氣
血陰陽汗下補瀉等法。毫不相涉。所以為佳。

梔子大黃湯

治酒痺心中懊懣。或熱痛者。此湯主之。

梔子

十四枚

大黃

二兩

枳實

五枚

豉

一升

右四味以水六升煮取二升分溫三服

歌曰酒瘴懊懣鬱熱蒸。大黃二兩豉盈升。山梔

十四枳枚五。上下分消要順承。

元犀

按梔子豆豉徹熱於上。枳實大黃除實

去滿於下。此所謂上下分消順承熱氣也。

徐忠可云因酒徒陰分大傷故不用燥藥以

耗其津亦不用滌藥以竭其液。謂熱散則濕

不能留也。凡治濕熱而兼燥者於此可悟。

桂枝加黃耆湯

取見水氣病中

治黃痺病。但當利其小便。假令脈浮者。當以汗解之。宜此湯主之。

男元犀

按黃痺症。多由濕熱內鬱。而成為病。

在內也。鬱在內者。宜內解。故曰。但當利其小便。小便通則所鬱皆去矣。假令脈浮者。病在肌表也。當外解。故曰。當以汗解之。桂枝湯解肌發表。加黃耆助之。以黃耆有發汗退黃之

專長也

猪膏髮煎

治諸黃痺病

猪膏

半觔

亂髮

如雞子大三枚

右二味、和膏中煎之、髮消藥成、分再服、病從

小便出、

千金云、太醫校尉、史脫家婢黃病、服此胃中燥、黃下、便差、神驗、

歌曰

諸黃腹鼓大便堅、古有猪膏八兩傳、亂髮

三枚雞子大、髮消藥熟始停煎。

男元屏

按猪膏主潤燥。髮灰主通小便。故神

農本草經有自還神化句。最妙。謂髮為血餘。

乃水精奉心化血所生。今取以煉服。仍能入

至陰之臟。助水精以上奉心臟之神。以化其

血也。沈目南謂寒濕入於血分。久而生熱。鬱

蒸氣血不利。證顯津枯血燥。皮膚黃而暗晦。

即為陰黃。當以此治之。且熱鬱既久。陰血無

有不傷。治者皆宜兼滋其陰。故曰諸黃主之。

又按時醫惑於以人補人之說每遇虛證輒以紫河車配藥余幼時隨侍聞家君與客常談及紫河車一物曰某也服此今反肌肉羸瘦其也服此病反增劇吾行道數十年見有用紫河車者未嘗一效余默識之今省中行道輩遇病人家有餘貲或病證虛弱火熾等證即曰非紫河車不能成功也嗚呼是醫也而能活人乎是藥也而能活人乎

茵陳五苓散

治黃痺病

茵陳 十分

五苓散 五分

右二味和先食飲服方寸匕日三服

歌曰痺病傳來兩解方。表裏茵陳末入五苓嘗。

五苓五分專行水十分茵陳却退黃。

男元犀

按五苓散功專發汗利水助脾轉輸

茵陳蒿功專治濕退黃合五苓散為解鬱利

濕之用也。蓋黃痺病由濕熱瘀鬱薰蒸成黃。非茵陳蒿推陳致新不足以除熱退黃。非五苓散轉輸利濕不足以發汗行水。二者之用取其表裏兩解為治黃之良劑也。

大黃硝石湯

治黃痺腹滿小便不利而赤自汗出此為表裏實當下之宜此湯

大黃

黃蘗

硝石

各四兩

子十五枚

右四味以水六升煮取二升去滓內硝更煮取一升頓服

歌曰自汗表無邪也尿難大便難腹滿時表和裏實貴

隨它硝黃四兩藥同數十五枚梔任指麾

男元犀

按黃痺病濕熱交鬱不得外通今自

汗出者外已通也腹滿小便不利而赤者濕

熱仍實於裏也實者當下故用大黃除滿去

實。硝石領熱氣下趨二便。又以黃蘗除濕退黃。梔子散熱解鬱。濕熱散。二便調。則裏氣亦和矣。

小半夏湯 歌見痰飲

治黃痺病小便色不變。欲自利。腹滿而喘。不可除熱。熱除必噦。噦者此湯主之。
元犀按傷寒論云。瘀熱在裏。身必發黃。此云。小便色不變。欲自利者。可知內無瘀熱矣。蓋

喘滿屬中氣虛弱。故曰不可除熱。師恐後人
悞投寒劑傷中。故立小半夏湯以救悞治也。
用半夏和胃以鎮逆。生薑溫理中臟。中溫則
升降自如。而喘滿嘔逆自愈。又按若中虛發
黃者。余每用理中湯。真武湯等。加茵陳蒿多
效。

小柴胡湯

歌見傷寒

治諸黃腹痛而嘔者。宜此湯生之。

男元犀

按嘔者胃氣不和也。腹痛者木邪犯

胃也。小柴胡湯達木鬱。和胃氣。使中樞運。則嘔痛止。而黃退矣。非小柴胡湯可概治諸黃也。

小建中湯

歌見傷寒

治男子黃。小便自利。當與虛勞。小建中湯。男爵按此言土虛。而現出黃色也。虛極者宜補土之母。四逆輩可與間服。然輩言男子。謂

婦人血瘀發黃。尚有桃仁承氣湯法也。苟屬虛黃。亦宜以此湯加當歸益母葉之類也。

附方

瓜蒂散

歌見傷寒

治諸黃

男元犀

按瓜蒂散傷寒論三見俱主胸中之

病。金匱取之附治諸黃何也。蓋黃乃濕熱相併。鬱蒸不得外越。用瓜蒂散吐而越之。使上